

Нийгмийн эгэх хариуцлага

УЛИРАЛ ТУТМЫН МЭДЭЭЛЛИЙН СОНИН БИЧИГ

ГЛОБ ИНТЕРНЭШНЛ ТӨВ АРХАНГАЙ АЙМАГТ БҮСИЙН СУРГАЛТ ЗОХИОН БАЙГУУЛЛАА



Глоб Интернэшнл төвөөс (ГИТ) MASAM II төслийг орон нутагт хамтран хэрэгжүүлэгч иргэний нийгмийн байгууллагуудад бүсийн сургалтыг Архангай аймагт 2023 оны 4 сарын 12-13-ны өдрүүдэд зохион байгууллаа. Уг сургалтын гол зорилго нь улсын төсвийн хөрөнгө оруулалтаар хэрэгжүүлэх болон хэрэгжүүлж буй төсөв хөтөлбөрт иргэдийн оролцоотой хяналт үнэлгээ хийх аргачлалыг чиглүүлэн заах бөгөөд уг аргачлалын талаар хамтран ажиллагч иргэний нийгмийн байгууллагуудад арга зүйн туслалцаа үзүүлэн ажиллалаа. MASAM II төслийн хүрээнд төсвийн хөрөнгө оруулалтаар хэрэгжүүлэх болон хэрэгжүүлж буй төсөв хөтөлбөрт иргэдийн оролцоотой хяналт үнэлгээ хийх нэгдсэн аргачлалыг Дэлхийн банкны төслийн зөвлөх болон ГИТ-ийн

төслийн баг хамтран боловсруулсан юм. Сургалтын үеэр оролцогчид дээрх аргачлалыг ашиглан Архангай аймагт улсын төсвөөр хэрэгжиж буй гурван төслийг сонгон авч үнэлгээ хийж ажиллалаа. Үүнд:

- Архангай аймгийн Эрдэнэбулган сумын 3,5,4 дугаар багуудад явган хүний замын ажил

- Архангай аймгийн Багшийн хөгжил, судалгаа, арга зүйн төвийн барилгын явцын хяналт үнэлгээ

- Архангай аймгийн Хүүхэд залуучуудын чийрэгжүүлэх төвийн ажлуудад тус тус иргэдийн оролцоотой хяналт үнэлгээ хийлээ.

Сургалтад оролцогчид “Улс орон нутгийн төсвийн болон орон нутгийн хөгжлийн сангийн хөрөнгөөр хэрэгжиж буй хөрөнгө оруулалтын төсөл арга

хэмжээнд ИРГЭДИЙН ОРОЛЦООТОЙ ХЯНАЛТ ҮНЭЛГЭЭ ХИЙХ” аргачлалыг ашиглан дээрх ажлуудыг үнэлж, тус бүр зөвлөмж боловсруулан ажилласан юм.

Иргэд уг аргачлалыг ашиглан хөрөнгө оруулалтын явцад хяналт тавьснаар тухайн хөрөнгө оруулалтын төсөл, арга хэмжээ нь гэрээнд заасны дагуу, цаг хугацаандаа хэрэгжиж, чанарын шаардлагыг хангаж буй эсэхийг нягтлах замаар хөрөнгө оруулалтын хэрэгжилтийн шатанд явцын хяналт тавин холбогдох этгээдүүдэд тухай бүр тайлагнах, улмаар хөрөнгө оруулалтын төсөл, арга хэмжээ хэрэгжиж дууссаны дараа төсөл, арга хэмжээний гүйцэтгэлд үнэлгээ өгөн, санал, зөвлөмжөө холбогдох этгээдүүдэд хүргүүлэх, тайлагнах боломжтой болох юм.

Уг аргачлалын дагуу MASAM II төслийг хамтран хэрэгжүүлэгч иргэний нийгмийн байгууллагууд өөрийн орон нутагтаа улс, орон нутгийн төсвийн хөрөнгө оруулалтаар хийгдэж буй төслүүдийг иргэдийн оролцоотой үнэлэх юм.

Глоб Интернэшнл Төв нь Швейцарын хөгжлийн агентлаг болон Нийгмийн эгэх хариуцлагын дэлхийн түншлэлийн (GPSA) санхүүжилтээр Дэлхийн Банкнаас хэрэгжүүлж буй “Монгол Улсад ил тод байдал, олон нийтийн оролцоог нэмэгдүүлэхэд нийгмийн эгэх хариуцлагыг бэхжүүлэх нь” буюу MASAM II төслийн хамтран хэрэгжүүлэгчээр ажиллаж байна. Төслийн үндсэн зорилго нь Монгол Улсын хэмжээнд нийгмийн эгэх хариуцлагыг бэхжүүлэх замаар эрүүл мэндийн салбарт төрийн хөрөнгө санхүүг зохистой зарцуулж, төрийн хөрөнгө оруулалтын үр дүн, төрийн үйлчилгээний чанар хүртээмжийг нэмэгдүүлэхэд оршино.




УЛСЫН ТӨСВИЙН ХӨРӨНГӨ ОРУУЛАЛТАД ИРГЭДИЙН ОРОЛЦООГ ХАНГАХ ЗОРИЛГООР НЭМЭЛТ ЦЭС ХӨГЖҮҮЛЛЭЭ

Улсын төсвийн хөрөнгө оруулалтад иргэдийн оролцоог хангах зорилгоор нэмэлт цэс хөгжүүлээ

Швейцарын хөгжлийн агентлаг, Нийгмийн эгэх хариуцлагын Дэлхийн түншлэл (GPSA)-ийн санхүүжилтээр Дэлхийн Банкнаас хэрэгжүүлж буй “Монгол Улсад ил тод байдал, олон нийтийн оролцоог нэмэгдүүлэхэд нийгмийн эгэх хариуцлагыг бэхжүүлэх нь” буюу **MASAM II төслийн хүрээнд УЛСЫН ТӨСВИЙН ХӨРӨНГӨ ОРУУЛАЛТАД ИРГЭДИЙН ОРОЛЦООГ ХАНГАХ ЗОРИЛГООР** “Төсвийн хөрөнгө оруулалт” аппликейшнд нэмэлт цэс хөгжүүлээ.

Энэхүү аппликейшнийг ашиглан 2024 онд улсын төсвийн хөрөнгө оруулалтаар хэрэгжүүлэх төслийн саналд иргэн та өөрийн харъяа дүүрэг, аймгийнхаа хөрөнгө оруулалтад саналаа өгөх боломж бүрдэж байгаа юм. Энэхүү аппликейшн нь Улсын төсвийн хөрөнгө оруулалтаар хэрэгжүүлж буй төсөл, хөтөлбөрүүдийн талаарх мэдээллийг иргэдэд цаг алдалгүй хүргэж, хөрөнгө оруулалтын төлөвлөлтөд иргэдийн саналыг авах замаар иргэдийн оролцоо, хяналтыг сайжруулах зорилготойгоор хөгжүүлсэн юм.

Иргэд тус аппликейшнээр дамжуулан улсын төсвийн хөрөнгө оруулалтад саналаа өгөхөөс гадна өөрийн орон нутгийн хөгжлийн бодлогын баримт бичгүүдтэй танилцах боломжтой. Хөгжлийн бодлогын баримт бичгүүдтэй танилцсанаар иргэд оршин суугаа нутаг дэвсгэрт ямар төрлийн төсөл, хөтөлбөрүүд тухайн бодлогын баримт бичгүүдэд тусгагдсан байгаатай танилцаж улмаар эдгээр



баримт бичгүүдэд тусгагдсан салбар, чиглэлийн төсөлд санал өгөх нь дараа дараагийн шатанд дэмжигдэн, бүр цаашлаад 2024 оны төсөвт тусч, хэрэгжих магадлал нэмэгдэх ач холбогдолтой.

Мөн иргэд уг апп-аар дамжуулан саналаа өгөхөөс гадна бусад иргэд таны үүсгэсэн төсөлд үнэлгээ өгөх боломжтой болох юм. Мөн та жагсаалт дахь төслүүдийг сонгон дарахад тухайн төсөлд өгсөн иргэдийн үнэлгээ болон төслийн эрэмбэ харагдахаас гадна бусад иргэдийн үүсгэсэн төсөлд та үнэлгээ өгөх боломжтой юм.

УЛСЫН ТӨСВИЙН ХӨРӨНГӨ ОРУУЛАЛТЫН АППЛИКЕЙШНИЙГ АШИГЛАН ИРГЭДЭЭС САНАЛ АВАХ ҮЙЛ АЖИЛЛАГААГ БУЛГАН АЙМАГТ ЗОХИОН БАЙГУУЛЛАА

2023 оны 04 сарын 6-7-ны өдрүүдэд ГИТ-ийн MASAM II төслийн баг ЛЕОС-Булган ТББ, “Буйлхан ногоон хөгжил” ТББ-тай хамтран Улсын төсвийн хөрөнгө оруулалтын аппликейшнийг ашиглан иргэдээс санал авах үйл ажиллагааг Булган аймагт зохион байгууллаа. Үйл ажиллагаанд Булган аймгийн нийт 198 иргэнийг оролцуулж аппликейшнээр санал авах үйл явц болон аргачлалыг нийт 8 удаагийн үйл ажиллагаагаар зохион

байгууллаа.

Энэхүү үйл ажиллагааг зохион байгуулахдаа аппликейшнээр дамжуулан улсын төсвийн хөрөнгө оруулалтад иргэд оролцохын ач холбогдол, аппликейшний онцлог, үйлдлийн системийг нэг бүрчлэн зааж сургахын зэрэгцээ аппликейшнээр дамжуулан санал авах үйл явцыг байгууллага, хамт олны төлөөлөл, гэр бүлийнхэндээ зааж, санал өгүүлэхийг уриалсан юм.

Улсын төсвийн хөрөнгө оруулалтын аппликейшнийг ашиглан Булган аймагт эцсийн дүнгээр шинээр санал өгсөн 228, давхардсан санал 609, үнэлгээ өгсөн нь 1166 дүнтэй байна.

Иргэдийн өгсөн саналаар: Булган 3-р сургуулийн дотуур байр, Номын сангийн байр, Гэр хорооллын дулааны шугам, явган хүний зам, Соёл амралтын цэцэрлэгт хүрээлэнгийн их засвар, тоног төхөөрөмж, Цэцэрлэг, Өрхийн эмнэлэг зэрэг ажлууд эрэмбэлэгдэж байгаа бөгөөд эдгээр байгууллагууд өөрсдийн хэрэгцээ, шаардлагыг иргэдэд ойлгуулах, тэдний санал авах ажлыг идэвх, санаачлага гарган ажилласан юм.

Аппликейшн туршилтын үр дүнд иргэд төсвийн үе шатанд оролцох оролцоогоо илүүтэй мэдэрч, орон нутгийн хөгжилд оролцох сэдэл, хандлагыг нэмэгдүүлсэнд талархалтай байна.



НАЛАЙХ ДҮҮРЭГТ “ЭРҮҮЛ МЭНДИЙН АНХАН ШАТНЫ ТУСЛАМЖ ҮЙЛЧИЛГЭЭНИЙ ИЛ ТОД БАЙДЛЫГ ХАНГАХ, ҮЙЛЧЛҮҮЛЭГЧИЙН СЭТГЭЛ ХАНАМЖИЙГ ҮНЭЛЭХ ЦАХИМ ПОРТАЛ ” АШИГЛАХ НЭЭЛТТЭЙ ХААЛГАНЫ ӨДӨРЛӨГИЙГ ЗОХИОН БАЙГУУЛЛАА

Налайх дүүрэгт “Эрүүл мэндийн анхан шатны тусламж үйлчилгээний ил тод байдлыг хангах, үйлчлүүлэгчийн сэтгэл ханамжийг үнэлэх цахим портал ” ашиглах нээлттэй хаалганы өдөрлөгийг зохион байгууллаа

ЭМАШТУ-ний чанар, хүртээмжийг сайжруулахад иргэд, олон нийтийн оролцоог ханган нийгмийн эгэх хариуцлагыг хөгжүүлж бэхжүүлэх боломжийг судлах зорилгоор Налайх дүүрэгт 2023 оны 4-дүгээр сарын 25-26 өдрүүдэд өдөрлөг зохион байгууллаа. Өдөрлөгийн үеэр Цахим портал ашиглан Налайх дүүргийн 3,5-р хорооны иргэдэд ЭМАШТУ-ний талаарх мэдээллийг түргэн шуурхай, ил тод, нээлттэй байдлаар хүргэх боломжийг олгон ажиллалаа.

хийх, хариу үйлдэл үзүүлэн улмаар тусламж үйлчилгээний чанар, хүртээмжийг сайжруулах юм.

Өдөрлөгийн үеэр Налайх дүүргийн 3,5-р хорооны иргэд өөрсдийн үйлчлүүлдэг Ачлал Налайх ӨЭМТ-ийн үйл ажилллагааны санхүүгийн гүйцэтгэл, хүний нөөцийн мэдээлэл зэрэг шаардлагатай мэдээлэлтэй танилцаж, сэтгэл ханамжийн судалгаанд оролцсон юм.

Цахим портал ашиглан иргэдэд мэдээлэл хүргэх болон санал хүсэлтийг авах ажилд Налайх дүүргийн 3,5-р хорооны иргэдийн оролцоог хангахын тулд Глоб Интернэшнл Төвийн MASAM II төслийн багийн 4 гишүүн, Дэлхийн банкны сургалтаас өгсөн чиглүүлэгчийн дагуу сургалт,

Налайх дүүрэгт тус төслийг хамтран хэрэгжүүлэгч орон нутгийн “Түгээмэл өнгө”ТББ-тай хамтран 2023 оны 4 дүгээр сарын 25-26-ны өдрүүдэд зохион байгуулав.

Сургалт, нүүр тулсан уулзалт, суртчилгааны үр дүнд нийт 4479 хүн “Ачлал Налайх” ӨЭМТ-ийн үйл ажилллагааны талаар өөрийн гар утсаараа QR код уншуулан мэдээлэл авсан ба эдгээр иргэд ЭМАШТУ-ний талаарх мэдээллийг түргэн шуурхай, ил тод, нээлттэй байдлаар авч чадсан байна.

Цахим порталд байршуулсан Сэтгэл ханамжийн судалгааг 1171 иргэн бөглөж судалгаанд хамрагджээ. Дээрх иргэд ӨЭМТ-ийн үйл ажилллагааг үнэлж улмаар 134 хүн санал сэтгэгдэлээ бичиж, ӨЭМТ-ийн үйл ажиллагаанд 3,6 гэсэн оноо өгсөн байна.

Иргэдийн санал хүсэлтийн дагуу Ачлал Налайх ӨЭМТ-т тулгамдаад буй 238 асуудлын 202 асуудлыг ӨЭМТ-ийн түвшинд шийдвэрлэх боломжтой гэж үзсэн тул тус төвийн дарга Г.Даваасүрэн хариу бичиж асуудлыг шийдсэн талаар иргэдэд мэдээлсэн. Эдгээрээс 28 хүний дэвшүүлсэн санал хүсэлтэд утсаар хариу өгч бусад хүмүүст цахим шуудан илгээсэн байна.

ӨЭМТ-ийн удирдлагын түвшинд шийдвэрлэх боломжгүй дэд бүтэцтэй холбоотой асуудлыг дээд удирдлагад уламжлах болсон тухайгаа мөн иргэдэд цахимаар мэдээлсэн. Тус ӨЭМТ-өөр үйлчлүүлдэг иргэд тархай суурьшдаг/Городок хотхон, уяачдын тосгон, галт тэрэгний 32-р зөрлөгт оршин суудаг /5-р хорооны 8 иргэн ӨЭМТ-ийг түргэн тусламжийн машинтай болох санал ирүүлсэнийг мөн уламжлахаар болсон юм.



Тус цахим платформын зорилго нь иргэдээс тусламж, үйлчилгээний талаар сэтгэл ханамж, санал хүсэлтийг тогтмол авах, тэдгээрт дүн шинжилгээ

нүүр тулсан уулзалт, сурталчилгаа, Ачлал Налайх ӨЭМТ-тэй хамтарсан эрүүл мэндийн Нээлттэй хаалганы өдөрлөгийн хэлбэрийг ашиглан



ИРГЭД ЭРҮҮЛ МЭНДИЙН АНХАН ШАТНЫ ТУСЛАМЖ ҮЙЛЧИЛГЭЭГ АВСНЫ ДАРАА ГҮЙЦЭТГЭЛИЙГ НЬ ҮНЭЛЭХ БОЛОМЖТОЙ БОЛЛОО



ДЗМОУБ-ын MASAM II төсөл эрүүл мэндийн анхан шатны тусламж үйлчилгээний ил тод байдлыг хангах, үйлчлүүлэгчийн сэтгэл ханамжийг үнэлэх цахим порталын боловсруулалт, хөгжүүлэлт дээр ажиллан, үндэсний хэмжээнд ашиглалтад оруулсан. Порталаар дамжуулан анхан шатны эрүүл мэндийн бүх байгууллагын хүний нөөц, санхүүжилтийн талаар иргэд мэдээлэл авах, мөн үнэлгээ, сэтгэгдэл, санал гомдол, сэтгэл ханамжийн судалгаа өгөх боломжийг бүрдүүлсэн ба олон нийтэд таниулах, ашиглаж сургах ажлыг 25 ИНБ-аар дамжуулан зохион байгуулж байна. Тухайлбал,

- Дундговь аймгийн Сайнцагаан сумын "Боржигон мандал" ӨЭМТ-ийн үйл ажиллагаанд одоогийн байдлаар 898 иргэд үнэлгээ өгч, санал, хүсэлт, талархал, гомдолоо илэрхийлсэн

иргэдийн тоо 622 хүрээд байна. "Гэрэлтдэг ертөнц" ТББ эрүүл мэндийн анхан шатны тусламж, үйлчилгээний чанар, хүртээмжийг сайжруулахад иргэд, олон нийтийн оролцоог нэмэгдүүлэх зорилгоор Дундговь аймгийн Сайнцагаан сумын 5,6-р багийн "Боржигон мандал" өрхийн эмнэлэгтэй хамтран ажиллаж байна. Төслийн хүрээнд насан хүрсэн нийт иргэдийн 40% буюу 1000 насанд хүрэгчдээс цахим портал, QR кодыг уншуулж үнэлгээ өгөх, сэтгэл ханамжийн судалгаанд хамруулж санал хүсэлтийг хүлээн авахаар төлөвлөн ажиллаж байна. Үргэлжлүүлэн эрүүл мэндийн цахим порталыг иргэдэд сайтар танилцуулж, үйл ажиллагаандаа тогтмол ашиглан үйлчилгээний сэтгэл ханамж, санал хүсэлтэд дүн шинжилгээ хийж, хариу үйлдэл үзүүлэх, тусламж, үйлчилгээгээ сайжруулах чиглэлд зорилго тавин ажиллаж байна.



- "Боловсрол ирээдүйн хөгжлийн гарц" ТББ нь Чингэлтэй дүүргийн 16 хорооны насанд хүрсэн иргэдийн 40% болох 2063 иргэдэд "Тэгш Өлзий" өрхийн эрүүл мэндийн төвийн эмч ажилтнуудтай хамтран үйлчлүүлэгч нарт цахим платформыг танилцуулах үе шаттай томоохон үйл ажиллагааг зохион байгуулсан. Ингэснээр иргэд эрүүл мэндийн үйлчилгээг өрхийн эрүүл мэндийн төвөөс авсны дараа QR кодыг уншуулан тухайн байгууллагын үйл ажиллагаанд үнэлгээ, санал гомдлоо өгч цаашид чанартай үйлчилгээ авах нөхцөлийг бүрдүүлэхэд хувь нэмрээ оруулсан.



ЭРҮҮЛ МЭНДИЙН АНХАН ШАТНЫ ТУСЛАМЖ, ҮЙЛЧИЛГЭЭГ САЙЖРУУЛАХААР "ИРГЭДИЙН ДУУ ХООЛОЙ БА ТҮҮНИЙ ҮР НӨЛӨӨ" АРГАЧЛАЛЫГ ХЭРЭГЖҮҮЛЛЭЭ

ДЗМОУБ-ын MASAM II төслөөс "Иргэдийн дуу хоолой ба түүний үр нөлөө" аргачлалыг ЭМАШТУ-г сайжруулах зорилгоор үндэсний хэмжээнд 7 аймгийн иргэний нийгмийн байгууллагатай хамтран хэрэгжүүлж байна.

Энэхүү аргачлалын хүрээнд Говь-Алтай аймгийн Анар намуун эгшиглэнт аялгуу ТББ болон Багахангай дүүргийн "Эр зоригийн хүч" ТББ –ууд ӨЭМТ-ийн тусламж үйлчилгээний бүтэц үйл ажиллагааны стандарт болон иргэдийн сэтгэл ханамжийн үнэлгээг тухайн ӨЭМТ-ээс үйлчилгээ авдаг иргэдийн оролцоотойгоор үнэлэх ажлыг өнгөрсөн 2 сарын хугацаанд хийж гүйцэтгэж, үнэлгээний үр дүнд сайжруулах шаардлага бүхий асуудлуудыг тодорхойлж шийдвэр гаргах түвшний төлөөллүүдэд танилцуулах, шийдвэрлүүлэх "НҮҮР ТУЛСАН УУЛЗАЛТ" буюу хамтын шийдэл гаргах гурван талт уулзалт, хэлэлцүүлгийг амжилттай зохион байгууллаа. Хэлэлцүүлгийн үр дүнд эрүүл мэндийн анхан шатны тусламж үйлчилгээг сайжруулахад тулгамдаж асуудлууд дээр



орон нутгийн удирдлагууд хэн, хэзээ, хэрхэн ажиллаж шийдвэрлэх ажлын төлөвлөгөөг хамтран боловсруулж, захирамжиллаа. Тухайлбал,

Багахангай дүүргийн эрүүл мэндийн төвд тулгамдаж дараах асуудлуудыг иргэд үнэлгээгээр тодорхойлсон. Үүнд:

1. Тус дүүргийн эрүүл мэндийн төвийн эмч ажилтнуудын харилцаа хандлагыг сайжруулах
2. Нарийн мэргэжлийн эмч нарын дутагдал
3. Эмч нарын мэргэжлийн ур чадварыг сайжруулах

Эдгээр саналуудыг сайжруулахын тул сэтгэлзүйн боловсролыг олгох сургалтыг эмч ажилтнууддаа үе шаттай

өгөх, эмэгтэйчүүдийн 1 эмчийн орон тоог стандартад нийцүүлж ажиллуулах, тэтгэвэртэй гарсан мэргэшсэн, туршлагатай эмч нараас зөвлөн туслах үйл ажиллагааг зохион байгуулах ажлуудыг тус тус ажлын төлөвлөгөөнд тусгаж, засаг даргын захирамжаар баталгаажуулсан. Түүнчлэн ЗДТГ-аас эрүүл мэндийн төвийн эмэгтэйчүүдийн эмчийн амьдрах орон сууцыг 3 жилийн хугацаатай хариуцаж, тогтвортой ажиллах боломжийг бүрдүүлсэн.

Говь-Алтай аймаг Есөнбулаг сумын Жаргалан Алтай өрхийн эмнэлэгийн тусламж, үйлчилгээг сайжруулахад иргэдээс гарсан саналуудаас шинэ стандартын байрны төсвийн шийдвэрлэхээр орон нутгийн удирдлагууд нь шийдвэрлэсэн нь онцлог байсан.

"ИРГЭДИЙН ТӨСӨВ-2023 ЭМХЭТГЭЛИЙГ АЙМАГ, ДҮҮРГҮҮД ӨӨРСДИЙН САНААЧИЛГААР ХЭВЛҮҮЛЖ, ОЛОН НИЙТЭД ТАНИУЛАХ АЖЛЫГ ЗОХИОН БАЙГУУЛЛАА."



Аймаг, нийслэлийн төсвийн ил тод байдлыг хангах зорилгоор "Иргэдийн төсөв-2023 эмхэтгэлийг ДЗМОУБ-ын MASAM II төсөл 11 аймаг, 6 дүүргийн холбогдох хэлтсийн мэргэжилтнүүдэд арга зүйн дэмжлэг үзүүлэн боловсруулан дуусгаж, аймаг, дүүргийн иргэдийн төлөөлөгчдийн хурал болон засаг даргын тамгын газрын албан цахим хуудаснуудад байршуулсан. Түүнчлэн аймаг, дүүргүүд санаачилгаараа "Иргэдийн төсөв-2023" эмхэтгэлээс нийт 7850 ширхгийг хэвлүүлсэн бөгөөд энэхүү ажлыг дэмжин төслийн санхүүжилтээр 1800 ширхгийг нэмэлтээр хэвлүүлэн өгч, олон нийтэд таниулахад дөхөм болгох боломжийг бүрдүүлсэн.

Мөн Говь-Алтай, Баянхонгор аймгуудын

иргэний нийгмийн байгууллагууд ЗДТГ-тай хамтран аймгийнхаа "Иргэдийн төсөв-2023" эмхэтгэл дээр үндэслэн уулзалт, хэлэлцүүлгийг зохион байгуулсан. Хэлэлцүүлэгт оролцсон иргэд тухайн оны төсвийн төлөвлөлт оновчтой хийгдсэн эсэх, 2024 онд хийж хэрэгжүүлэх төсөл арга хэмжээний төлөвлөлтөд хийж хэрэгжүүлэх шаардлагатай гэж үзсэн төслийн саналуудаа хүргүүлэх зэргээр бүтээлчээр оролцсон.

Тус эмхэтгэлээс иргэд та бүхэн 2023 оны батлагдсан төсвийн орлого, зарлагын тоон мэдээлэл, 2023 онд хийгдэх төсвийн хөрөнгө оруулалтын төсөл арга хэмжээний жагсаалтыг тодруулан харах боломжтой.



ТӨР, ИРГЭНИЙ НИЙГМИЙН БАЙГУУЛЛАГА БОЛОН ИРГЭДИЙН НИЙТ 1333 ТӨЛӨӨЛЛИЙГ ЧАДАВХ БЭХЖҮҮЛЭХ 4 МОДУЛЬ СУРГАЛТАД ХАМРУУЛЛАА

“Төсвийн үйл явцад нийгмийн эгэх хариуцлагын ойлголт, арга хэрэгслийг ашиглах нь” чадавх бэхжүүлэх 4 модуль сургалтыг сангийн яам, эрүүл мэндийн яам болон дэлхийн банкны зөвлөхүүдтэй хамтран ДЗМОУБ болон Глоб интернэйшнл төвийн MASAM II төслийн баг 2021 онд боловсруулсан. Сургалтын зорилго нь төсвийн хөрөнгө оруулалт болон эрүүл мэндийн анхан шатны тусламж үйлчилгээний үр ашгийг сайжруулах чиглэлээр иргэд болон иргэний нийгмийн байгууллагын төлөөллийн мэдлэг, ур чадварыг нэмэгдүүлэх юм. Энэхүү сургалтыг ДЗМОУБ-ын MASAM II төслийн баг 2021 оны 11-р сарын 02-оос 2023 оны 03-р сарын 28-ны хугацаанд нийт 45 удаагийн сургалтыг төрийн байгууллагын 653, Иргэний нийгмийн байгууллагын 263, иргэдийн 417 төлөөллүүдийг хамруулан зохион байгуулсан байна.

Сургалтын үр дүнд оролцогчид нийгмийн эгэх хариуцлага, монгол улсын төсөв, төсвийн хөрөнгө оруулалт болон эрүүл мэндийн анхан шатны тусламж үйлчилгээний талаарх цогц мэдлэгийг олж авч, цаашид төрөөс үзүүлж буй үйлчилгээг сайжруулах чиглэлд бүтээлчээр оролцож, хяналт тавих арга хэрэгсэлд суралцсан.

“Нийгмийн эгэх хариуцлага бол утга учиртай бүтээлч оролцоо, хяналт, хэрэгжүүлэлт гэсэн энгийн зарчим дээр явагддаг юм байна. Түүнчлэн төсвийн ил тод байдал, төсвийн

цагилбарын үйл явц болон эрүүл мэндийн даатгалын тогтолцооны шинэчлэлт, анхан шатны тусламж үйлчилгээний талаарх ойлголтыг авч, Монгол улсын төсөв орон нутгийн төсөв, зарцуулалтын талаар мэдээллийг шилэн данс, тендерийн сайт зэрэг цахим сайтуудаас хэрхэн авах мөн төсвийн үр ашгийг зарцуулалтанд хяналт тавих талаар ойлголт авлаа. Иргэд яагаад төрийн үйл ажиллагаанд идэвхтэй оролцдоггүй вэ? гэхээр хэрхэн яаж оролцохоо мэддэггүй юм байна. Мэдээлэл дутмаг иргэдийн оролцоог дэмжсэн хууль зааврын мэдлэг хомс учраас шийдэлгүй гомдоллодог юм байна. Тиймээс миний хувьд сурч мэдсэн зүйлүүдээ үргэлжлүүлэн судалж аймгийн иргэний нийгмийн байгууллагуудтайгаа хамтарч иргэдэд сурсан мэдсэн зүйлүүдээ хуваалцаж иргэдийг мэдээлэлтэй болоход хувь нэмрээ оруулах болно. А. Мөнхдалай “Үүрэгтэй залуус” ТББ-ийн гүйцэтгэх захирал

“Хорооны засаг дарга нарт өдөр тутмын ажилд тулгардаг бэрхшээлийг уг сургалтаар маш үр өгөөжтэй, сонирхолтой байдлаар зохион байгууллаа. Улсын төсөв, төсөвлөлт, хөрөнгө оруулалт, ӨЭМТ-ийн талаар маш сайн мэдээлэлтэй болж, иргэд болон иргэний нийгмийн байгууллагын оролцоо, дуу хоолой ямар чухал гэдгийг ойлгож авлаа.”



Т.Чимгээ Баянгол дүүргийн 9-р хорооны засаг дарга



ЗАВХАН АЙМАГТ ИРГЭДИЙН ОРОЛЦООГ ХАНГАЖ, ТӨСВИЙН ХӨРӨНГӨ ОРУУЛАЛТ АПП-ААР САНАЛ АВАХ АЖЛЫН ҮР ДҮНД 282 ТӨСӨЛ САНААЧИЛЖ УЛСЫН ХЭМЖЭЭНД ХАМГИЙН ИХ БУЮУ НИЙТ 8289 ИРГЭД САНАЛАА ӨГЧЭЭ

Иргэд Сангийн яамны “ТӨСВИЙН ХӨРӨНГӨ ОРУУЛАЛТ” гар утасны аппликэйшнээр дамжуулан 2024 онд улсын төсвийн хөрөнгө оруулалтаар өөрийн харьяа сум, дүүрэг, аймагт хэрэгжүүлэх төсөл арга хэмжээний санал үүсгэх, санал өгөх боломжийг бүрдүүлсэн бөгөөд иргэдээс санал авах ажлыг 2023 оны 04 сарын 01-ээс 10ны хооронд орон даяар зохион байгуулсан. Тус ажлын хүрээнд Завхан аймгийн Засаг даргын А/101 дүгээр захирамжаар ажлын хэсэг байгуулж, үйл ажиллагааг төрийн байгууллагууд болон Швейцарын хөгжлийн агентлаг, нийгмийн эгэх хариуцлагын Дэлхийн түншлэлийн санхүүжилтээр Дэлхийн банк, Дэлхийн Зөн ОУБ хамтран хэрэгжүүлж буй MASAM II төслийн Завхан аймаг дахь хэрэгжүүлэгч байгууллагууд болох “Өрнөх хөгжил”, “Оюунлаг таны туслагч”, “Ахмад мэргэжилтний холбоо” ИНБ-уудтай хамтарч нөлөөллийн томоохон үйл ажиллагааг үе шаттайгаар амжилттай зохион байгууллаа.



Хамтын ажиллагааны үр дүнд 2024 онд Завхан аймагт улсын төсвийн хөрөнгө оруулалтаар хийгдэх 282 төсөл санаачилж нийт 8289 иргэнээс төсвийн хөрөнгө оруулалтын цахим аппликэйшнээр дамжуулан санал авсан байна. Санал асуулгаар аймгийн дүнгээр Дулааны цахилгаан станц, Цэвэрлэх байгууламж, Тосонцэнгэл

сумын Онцгой байдлын барилга байгууламжийн төсөлд иргэд хамгийн их санал өгсөн байна.

Иргэд өөрсдийн өгсөн төсөл арга хэмжээний санал нь 2024 оны улсын төсвийн хөрөнгө оруулалтын төслийн саналд тусгагдаж хэрэгжинэ гэдэгт итгэл төгс хүлээлттэй байгааг дурдах хэрэгтэй.

“МЭДЭХ ЭРХ-2023” ҮЗЭСГЭЛЭН ЗОХИОН БАЙГУУЛАГДЛАА

Баянхонгор аймгийн Хонгорын зөн ТББ, Зууны түүчээ ТББ-ууд төсвийн ил тод байдлыг олон нийтэд нээлттэй танилцуулах, суратчлах, мөн эрүүл мэндийн анхан шатны тусламж үйлчилгээний чанар хүртээмжийг сайжруулах чиглэлд хэрэгжиж буй төсөл арга хэмжээг олон нийтэд таниулах зорилгоор “МЭДЭХ ЭРХ-2023” үзэсгэлэнг хоёр дахь жилдээ зохион байгуулсан. Уг үзэсгэлэнгээр улсын төсвийн хөрөнгө оруулалтын апп, Баянхонгор аймгийн “Иргэдийн төсөв-2023” эмхэтгэл болон эрүүл мэндийн анхан шатны тусламж үйлчилгээний цахим платформыг нийт 500 гаруй иргэдэд танилцуулж, холбогдох саналуудыг нь авах, сэтгэл ханамжийн судалгаанд хамруулах зэргээр

оролцоог нь хангаж ажиллалаа.

Үзэсгэлэнгийн нэг онцлог нь аймгийн “Иргэдийн төсөв-2023” эмхэтгэлтэй иргэд дэлгэрэнгүй танилцаж, 2023 онд хийж хэрэгжүүлэх төсөл арга хэмжээтэй танилцаж, 2024 онд хийж хэрэгжүүлэх шаардлагатай гэж үзсэн төслийн саналуудаа нэгтгэж, орон нутгийн удирдлагуудад ИНБ-аараа дамжуулан хүргүүлсэн байна.

“Би өнөөдрийн энэ үзэсгэлэн дээр ирээд улсын төсөв хэрхэн зарцуулагдаж буйг хянах боломжтойг мэдэж авлаа. Мөн иргэдийн эрүүл мэндийн анхан шатны үйлчилгээний чанар, хүртээмжийн талаар цахим судалгааг бөглөж үзлээ. Эдгээрийг зөвхөн гар утсан дээрээ аппликэйшн суулгаад л харах, хянах, оролцох боломжтой юм байна. Ийм чухал зүйл танилцуулж байгаа зохион байгуулагчдад баярлалаа.

Б.Намуунаа, Эрдэм ахлах сургуулийн 10в ангийн сурагч



“УЛСЫН ТӨСВИЙН ХӨРӨНГӨ ОРУУЛАЛТЫН ТӨЛӨВЛӨЛТӨД ИРГЭДИЙН ЦАХИМ ОРОЛЦОО” ӨДӨРЛӨГ ЗОХИОН БАЙГУУЛАГДЛАА

ДЗМОУБ-ын MASAM II төсөл Өвөрхангай аймгийн ЗДТГ, Арвайхээр сумын ЗДТГ болон иргэний нийгмийн байгууллагуудтай хамтран төсвийн хөрөнгө оруулалт аппликейшны ач холбогдолыг олон нийтэд таниулах, утаснаасаа саналаа өгөхөд нь зөвлөгөө, дэмжлэг үзүүлэх сургалт, нөлөөллийн үйл ажиллагааг 04-р сарын 01-10-ны өдрүүдэд зохион байгуулсан. Энэхүү үйл ажиллагааг хааж “Улсын төсвийн хөрөнгө оруулалтын төлөвлөлтөд иргэдийн цахим оролцоо” нээлттэй өдөрлөгийг 04-р сарын 10-ны өдөр зохион байгуулсан бөгөөд улсын төсвийн хөрөнгө оруулалтад иргэд саналаа өгөх үйл явцыг олон нийтийн анхааралд хүргэх, саналаа өгөхөд бодитой дэмжлэг үзүүлсэн нөлөөллийн үйл ажиллагаа болсон. Нийт 163 хүн оролцсон уг өдөрлөгийн үеэр иргэдийн оролцоо яагаад чухал болох агуулгын хүрээнд 5 илтгэлийг сонордуулсан бөгөөд иргэд оролцоогоор дамжуулан олон талбарт өсөж хөгжих, нийгэмдээ эерэг үр нөлөөг авчрах боломжтойг илтгэлүүдээс ойлгож авснаа онцолж байсан.

Үндэсний хэмжээнд явагдсан улсын төсвийн хөрөнгө оруулалтад

иргэд саналаа өгөх энэхүү үйл ажиллагаанд Өвөрхангай аймгийн Арвайхээр сумын иргэд идэвхтэй оролцож нийт 88 төслийн санал, 906 хүн саналаа өгсөн үзүүлэлтэйгээр санал өгөх үйл явцыг өндөрлүүлсэн.

Дашрамд дурдахад ДЗМОУБ-ын MASAM төслийн нийт 25 иргэний нийгмийн байгууллага орон нутгийн засаг даргын тамгын

газартай хамтран төсвийн хөрөнгө оруулалтын аппликейшныг олон нийтэд таниулах сурталчлах, санал өгүүлэх нөлөөллийн ажлыг идэвхийлэн зохион байгуулсан бөгөөд үүний үр дүнд 1358 төслийн санал, 13685 хүн уг аппликейшнээр дамжуулан улсын төсвийн хөрөнгө оруулалтын төлөвлөлтөд саналаа өгсөн байна.

